

## AN 'T EAND VAN 'T JOAR



Zo is temet weer 'n joar veurbiej  
 Hef 't oale of é doan  
 En 't volgende is dan weer niej  
 Ho zol het dan wal goan?  
 Hef 't oale joar wat goods é brach?  
 En warre wiej tevreen?  
 Of was het mangs 'n har gelag  
 Hew zeekte en leed é zeen?  
 Ho of 't ook was, veur alle man  
 Koemp 't zoere en het zeut  
 En ook dit keer mör wiej vedan  
 Het nieje joar temeut  
 Mér aw almoal oens beste doot  
 En leem zoals 't möt  
 Dan veul wiej zölm wa, zo is 't good  
 Wat of het lot ook döt  
 En ook al heb wiej 't mangs dan zwoar  
 Aw öm oens hen ees zeet  
 Dan zee 'w toch aalt wal hier en doar  
 Völ, heel völ meer verdreet  
 Wiej deenkt vaak dat oens eigen kruus  
 Het zwoarste is van al  
 Mér mös wiej kiezen, nam wiej juist  
 Oens eigen kruuske wal  
 Doarum loa 'w in het nieje joar  
 Noar degeen dee 't slechter hef zeen  
 Dan valt oens 't léém nich zo zwoar  
 En bin wiej meer tevreen  
 Mér het veurnaamste is doarbi 'j  
 Bliwt aaltied optimist  
 Maak of en too is ene bliej  
 Dee zorg of zunschien mist  
 Want grote stad of plattelaand  
 Het is almoal geliek  
 Ne scholderklop of warme haand  
 Maakt 'n menske bliej en riek  
 Aw oaweral doar mér an doot  
 Doarmet begint elk joar  
 Wodt elk begin veur oens weer goot  
 En hoal wiej 't wisse kloar.



S. Lammers †  
 (Uit de bundel: *Prakkezoatsies*)